

Ս. Հ. Աղամյան

ԵՐԿԱՆԴ ԼԱԼԱՅԱՆԻ ԱՆՏԻՊ ՆԱՄԱԿՆԵՐԻՑ

Հայկական ՍՍՌ Մինիստրների սովետին առընթեր պետական մատենադարանի արխիվային ֆոնդերում պահվում են հայ նշանավոր ազգագրագետ Սրվանդ Հալայանի՝ բանասերներ Կյուրեղ Սրապյանին, Գարեգին Հովսեփյանին, Գալուստ Տեր-Մկրտչյանին, Մեսրոպ Մաքսուդյանին և Սենեքերիմ Տեր-Հակոբյանին 1886—1927 թթ. գրած նամակները, որոնք արժեքավոր տեղեկություններ են պարունակում Ե. Հալայանի կյանքի ու գիտական գործունեության վերաբերյալ:

Ե. Հալայանը 1885 թ. ավարտելով Ներսիսյան դպրոցը ցանկանում էր գնալ Շվեյցարիա՝ բարձրագույն կրթություն ստանալու, սակայն նյութական սուղ պայմանները թույլ չեն տալիս նրան անմիջապես իրագործելու իր նպատակը: Ստիպված՝ նա ուսուցչության հետ միասին կատարում է նաև սրբագրական աշխատանք: Հրատարակվող վավերագրերից ուշագրավ է 1886 թ. օգոստոսի 16-ին Կ. Սրապյանին (1844—1895 թթ.) գրած նամակը, որով Հալայանը հաղորդում է, որ ինքը կատարում է նրա տպագրվող գրքի սրբագրությունը:

Հայտնի է, որ Ե. Հալայանի անմիջական ջանքերի շնորհիվ 1896 թ. հիմնադրվում է հայ ազգագրության, բանահյուսության, հնագիտության և գիտության այլ բնագավառների համար հարուստ նյութեր պարունակող հանրաժանոթ «Ազգագրական հանդես» պարբերականը, որի հրատարակությունը շարունակվում է մինչև 1916 թ.: Հանդեսը հրատարակելու ժամանակ Ե. Հալայանը նյութական մեծ դժվարությունների է հանդիպում, բայց համառորեն հաղթահարելով դրանք, նա մեծ ջանասիրությամբ շարունակում է իր սկսած հարևոր գործը: Հանդեսի հրատարակության ամբողջ դժվարությունը՝ պատկերացնելու տեսակետից կարևոր է Ե. Հալայանի 1900 թ. ապրիլի 27-ին, Գ. Հովսեփյանին (1867—1952 թթ.) գրած նամակը, ուր նա հաղորդում է, որ «Ազգագրական հանդեսը» նյութական ծանր պայմանների մեջ է գտնվում և խնդրում է օգնել իրեն՝ տարածելու հանդեսը, քանի որ այն կանգնած է փակման վտանգի առաջ: Հանդեսի նյութերի հավաքման և մշակման ուղղությամբ Ե. Հալայանի գործունեության համար պարզ պատկերացում է տալիս Գ. Հովսեփյանին հղած 1905 թ. հունվարի 19-ի, 1908 թ. հունվարի 2-ի, 1908 թ. սեպտեմբերի 9-ի և անթվակիր երկու նամակները, որոնց մեջ Ե. Հալայանը հայտնում է Գ. Հովսեփյանի աշխատությունների հրատարակությունների ընթացքի, ապա քրդական հարսանքի և այլ թեմաների վերաբերյալ նրա ուղարկած նյութերը տպագրելու մասին: Մի այլ նամակից երևում է, որ Ե. Հալայանը 1901 թ. նոյեմբերի 23-ին դիմել է անվանի հայագետ Գ. Տեր-Մկրտչյանին՝ խնդրելով զրախոսել Ղ. Ալիշանի տեղագրական և ազգագրական աշխատությունները և գրել վերջինիս կենսագրությունը:

Ե. Հալայանը նամակագրական կապ է ունեցել էջմիածնի միարանության այն անդամների հետ, որոնք զբաղվել են ազգագրությամբ, գրականագիտությամբ, լեզվաբանությամբ ու հայագիտական մյուս ճյուղերով և նրանց պատվիրել է հոդվածներ գրել հանդեսի համար: Այսպես, 1913 թ. դեկտեմբերի 14-ին նա դիմել է Մ. Մաքսուդյանին (1876—1917 թթ.) և խնդրել գրախոսել Հ. Աճառյանի «Հայերեն գավառական բառարանը», որը տպագրվել էր Եջմիածնի ազգագրական ժողովածուում: 1914 թ. գրած նամակով նա դարձյալ Մաքսուդյանից մի հոդված է պահանջել, իսկ 1915 թ. հայտնել է, որ ինքը ժամանակին մի ձեռագրից ընդօրինակել է Աղթամարի կաթողիկոսության պատմությունը, որը շուտով հրատարակվելու է:

«Ազգագրական հանդեսի» հրատարակման գործը ավելի հաջող վարելու նպատակով կազմվել է իմբրագրական հանձնաժողով, որի կազմի մեջ մտել են ազգագրական, և առհասարակ բանասիրական կարողություններ ունեցող այն գործիչները, որոնք կապված են եղել «Ազգագրական հանդեսի» հետ: Մատենադարանի արխիվում պահվում է Ե. Հալայանի 1916 թ. մարտի

1 Խոսքը վերաբերում է Կ. Սրապյանի «Ողջախոսություն ուղիղ ճանապարհ աճելութեան» վերնագրով գրքին:

14-ին. Ս. Տեր-Հակոբյանին (1886—1937 թթ.) ուղղած մի գրությունը՝ Հայոց ազգագրական ընկերության խմբագրական մասնաժողովի անգամ ընտրվելու մասին:

Ե. Հալայանը տարիներ շարունակ շրջել է Հայաստանի շրջանները. հավաքել ազգագրական նյութեր: Այդ տեսակետից ուղղորդվ է 1916 թ. փետրվարի 10-ին Ս. Տեր-Հակոբյանին գրած նամակը, որով հաղորդում է, որ ինքն իր խմբով գնալու է Նոր Բայազետի (այժմ՝ Կամո) կամ Գանձակի (այժմ՝ Կիրովաբադ) գավառները՝ նյութեր հավաքելու: Այդ նամակով նա խնդրել է իրեն տեղեկացնել վանից Սմբատ Տեր-Ավետիսյանի ուղարկած 1113 ձևագրերի էջմիածին հասնելու և նկարիչ Վ. Սուրենյանցի աշխատանքների մասին:

Առաջին համաշխարհային պատերազմի տարիներին Ե. Հալայանն ընկնում է Նյութական ծանր վիճակի մեջ, որի պատճառով ստիպված է լինում 1916 թ. դադարեցնել նշված հանդեսի հրատարակությունը:

Հայաստանում սովետական իշխանություն հաստատվելուց հետո Ե. Հալայանի առաջ լայն ապարել է բացվում՝ վերսկսելու իր այնքան սիրած հետազոտական գործունեությունը:

1921 թ., երբ Թիֆլիսից Նրեան է փոխադրվում ազգագրական թանգարանը, նրա վարիչ է նշանակվում Ս. Հալայանը:

1927 թ. հունվարի 12-ին Ս. Տեր-Հակոբյանին գրած նամակից երևում է, որ Ե. Հալայանը աշխատել է հայկական տարազների ժողովածուի վրա. իսկ 1929 թ. մարտի 3-ի նամակից պարզվում է, որ նա այդ տարիներին գրադրած է եղել Հայաստանի շրջաններում իր կատարած պեղումների նյութերի մշակմամբ և հրատարակմամբ: Այդ ուսումնասիրություններից մեկը՝ «Դանդաղների պեղումները Խորհրդային Հայաստանում» վերնագրով ապագրվել է 1931 թ.:

Ե. Հալայանի՝ ստորև տպագրված նամակները յույս են սփռում նրա կենսագրության և բանահավաքչական գործունեության մի բանի անհայտ կողմերի վրա:

Նրվանդ Հալայանի նամակը էջմիածնի միաբանությանն անդամ,
լեզվաբան Կյուրեղ Սրապյանին.

Ստացյալ է 21 սեպտեմբեր 1886

Գերազանցիկ Հայր

Մեծ(ապատիվ) Պ. Փ. Վարդանյանի գրության համաձայն, որ վկայում էր Ձեր հաճությունը՝ սրբազրելու Ձեր երկասիրության սպազորական թերթերը՝ վաղուց արդեն գործի եմ սկսած և ոչինչ աշխատանք չեմ խնայած անսխալ շուրս բերելու:

Մանրակրկիտ հետևում եմ Ձեր ձևագրին, սակայն մի քանի բառերի գանազանաձև դործածությունը իմ մեջ կասկած է հարուցանում, թե մի գուցե զրչի սխալներ սպրտած լինեն: Օր(ինակ) Աբրահամ, Աբրաամ, Աբրամ. Կային, Կայեն և այլն:

Զգիտեմ ինչպես կկամենայիք, որ սրբագրելի՝ կետ առ կետ հեռանալ տեսություն, թե այլ ձևի դործածություններն էլ վերածել ընդհանուր դործածություններին:

Ուղիղ հաշվից երևում է, որ ամբողջ գրությունը 11 տպագրական թիրթից ավելի չի լինիլ:

Առանձին ծրարով ուղարկում եմ Ձեզ մաքուր տպվածից երկու մամուլ (32 էրես մի թերթ): Երկու մամուլ էլ պատրաստ է տպագրության:

Համբուրելով Ձերդ Գերազանցության ս. աջը՝

մնամ խ. ծ. Նրվանդ Հալայանը

1886 թ. սեպտեմբեր 16-ն.

Թիֆլիս

Հայկական ՈՅՈՒ Մատենադարան,
Կյուրեղ Սրապյանի աթիվ. թղթ. 82ա, վավ. 174:

Եւրօվանդ Հայկականի նամակը էջմիածնի միաբանության անդամ,
հայագետ Գարեգին Հովսեփյանին.

Սրբազան Հայր

Ի նկատի ունենալով, որ Ձերդ բարձր սրբազնությունը Ազգազրական Հանդեսի երեսույց դեռ շատ առաջ ցույց եք տվել Ձեր համակրությունը դեպի ազգազրական նյութերը և չեք խնայել Ձեր ջանքերը նրանց կորստից ազատելու, պատիվ եմ համարում ինձ դիմել Ձերդ Բարձր Սրբազնության և խնդրել, Ձեր աջակցությունը «Ազգազրական Հանդեսի» հրատարակությունը շարունակելու և կարելու չափ կատարելագործելու: «Ազգազրական Հանդեսի» էջերը ուրախությամբ բացվում են Ձեր Սրբազնության առաջ և ես միանգամայն հույս ունեմ, որ Դուք կաշխատեք նաև տարածել, որովհետև ստիպված եմ դադարեցնել, եթե որ նպաստողներ չլինեն. յուրաքանչյուր դրքում 500 ու. վնասվելով, արդեն 3000 ու. դեֆիցիտ ունեմ, որի կեսը դեռ ես պարտ եմ տպարանին, թղթավաճառին և ուրիշներին: Դիմելով Ձերդ Բարձր Սրբազնության և մի երկու այլ անձերի, ես վերջին փորձն եմ անում ազատել Հանդեսը դադարելու վտանգից. Ձեր համակրությունից և աջակցությունից է կախված նրա հարատևությունն ու կատարելագործությունը:

Բարեհաճեցեք, խնդրեմ, խորին հարգանքիս կատարյալ հավաստիքը՝

Որով մնամ

Ձերդ Բարձր Սրբազնության

խորին հարգանքը Եւրօվանդ Հայկական

1900 թ. ապրիլ 27,

Թիֆլիս

Հայկական ՍՍԻ Մատենադարան, արխիվային բաժին,
Կաթ. դիվան, թղթ. 237, վավ. 88:

* * *

Ազգազրական
Հրատարակչական
ընկերություն
Խմբագրական մասնաժողով
19 հուն. 1905 ամի
թ. .ս.
Թիֆլիս

Արժանապատիվ Հայր

Հրազդական կտորների ժողովածուիս մեջ պատահամբ գտնելով Ձեր խոստացած հոդվածի վերաբերյալ մի հատված, կարևոր համարեցի ուղարկելու ձեզ, թերևս օգտավետ լինի:

Շատ լավ կլիներ, որ նախքան Ձեր հոդվածը պատրաստելը, մոզայիկի պատկերը ուղարկեիք, որ տեսնեինք թե կարելի է վայելուչ պատկեր պատրաստել տալ:

Ընդունեցեք, խնդրեմ, խորին հարգանքիս կատարյալ հավաստիքը:

Մնամ Ձեզ խ. հարգ. Ն. Հայկական

Հայկական ՍՍԻ Մատենադարան,
Դ. Հովսեփյանի արխիվ, թղթ. 95, վավ. 87:

Հայոց
Ազգագրական
ընկերություն
Խմբագրական մասնաժողով
2 հունվարի 1908 թվական
Թիֆլիս

Գերապատիվ Հայր

Շնորհավորելով Ձեր նոր տարին և բարեմաղթելով ամենայն բարիք, ներողություն եմ խնդրում, որ այսքան ուշ եմ կատարում Ձեր խնդիրը, թեև մեղավոր եմ չեմ. պ. Լուսինյանին երկար ժամանակ բացակա էր Թիֆլիսից՝ Քուսթայիսում քննություն կատարելու պատճառով, հետո էլ տկարության պատճառով չէր ընդունում: Վերջապես մի քանի անգամ փորձելուց ետ, կարողացա տեսնվել և հայտնել Ձեր ասածները: Նա պատասխանեց, որ այս հունվարի կեսից կտա շարելու և սրբագրությունն էլ խոստացավ ուղարկել Ձեզ:

Ընդունեցեք, խնդրեմ, խորին հարգանքիս կատարյալ հավաստիքը՝

Ձեզ խ. հարգ. Ն. Լալայան

Հայկական ՍՍԹ Մատենադարան, արխիվային բաժին,
Գ. Հովսեփյանի արխիվ. թղթ. 95, վավ. 147:

* * *

Արժանապատիվ Հայր

Ձեր երկու նամակն էլ ստացել եմ, մինը՝ Բաշ-Նորաշենում, շատ ուշ, սեպտեմբերի 2-ին, իսկ մյուսը Թիֆլիսում, երբ կրկին պատրաստվում էի ճանապարհորդելու: Առանց հոգիվածք տեսնելու, այսինքն առանց գիտենալու թե ինչպիսի մանրամասնությամբ նկարագրված է քրդական հարսանիքը, հետևապես որքան մասնադիտական բնույթ է կրում, չեմ կարող ասել, թե կարող ենք տպագրել թե ոչ: Այս միայն կասեմ, որ եթե չափազանց մանրամասն լինի և նորություններ պարունակե, անշուշտ կարող ենք տպագրել, այն էլ ոչ այս գրքում, այլ հետևյալ: Այս գրքի համար շատ կխնդրեի, որ հաճեիք մի պահուսական ուղարկել կամ Դիվան Հայոց պատմության վերջին գրքի և կամ մի այլ աշխատության մասին:

Ընդունեցեք, խնդրեմ, խորին հարգանքիս կատարյալ հավաստիքը:

Ձեզ խ. հարգանքով Ն. Լալայան

1908 թ. 5/9
Նոր-Բայազետ

Հայկական ՍՍԹ Մատենադարան, արխիվային բաժին,
Գ. Հովսեփյանի արխիվ. թղթ. 95, վավ. 177:

* * *

Արժանապատիվ Հայր

Ձեր խնդիրը կատարեցի, ամսիս 9-ին Տ. Հ. Մարտիրոսյանի հետ ուղարկեցի բոլոր 34 հատ դիպլոմատիկները, միայն չեմ թողնում, որ դժգոհ եմ, որ միևնույն դասախոսությունը պիտի կարդաք այդտեղ, թարմությունը կորցնում է, մանավանդ երբ լրագրության մեջ ևս այդ մասին գրվում է: Եթե, հի-

րավի, անպատճառ պիտի կարդար, գոնև անունը փոխեցեք, թերևս նկատելի չլինի:

Քանի որ ձեր դասախոսության մուտքը մեր սովորական դասախոսության նման ձևի չի լինելու, այլ վճարով, պետք է որ թարմություն ներկայացնի: Ես կգրեմ թե որ օրը հարմար կլինի ձեր դասախոսության, թերևս ամսիս 19-ին, կարող եք գալ:

Ընդունեցեք, խնդրեմ, խորին հարգանքիս կատարյալ հավաստիքը:

Ձեզ խ. հարգ. Ն. Լալայան

(Անթվակիր)

Հայկական ՍՍՌ Մատենադարան,

Գ. Հովսեփյանի արխիվ, թղթ. 96, վավ. 9:

*

Բերապատիվ Հայր

Ձեր հոգվածի վերաբերությամբ Ազգագրական ընկերության խորհուրդը որոշեց ընդունել Ձեր առաջարկը՝ այն է ստանալ ձեզանից 50 ռուբլի քիշանների համար և մնացած 50 ռուբլին էլ Ընկերությունից ծախսել, թույլ տալով Ձեզ ապագային օգտվելու այդ քիշաններից: Արդ քանի որ այժմ փոխել եք դուք Ձեր մտադրությունը և ցանկանում եք առանձին գրքով հրատարակել՝ ես առաջարկում եմ Ձեզ տալ մեզ քիշանների բոլոր ծախսը, մոտ 100 ռուբլի և ստանալ մեզանից 400 օրինակ արտատպություն, թվահամարները փոխված, առանձին կազմած:

Որոշված է նաև ձեր հոգվածը ղեկավարել Ազգ. Հանդեսի 21 գրքում, որ լույս է տեսնելու ամենաուշը փետրվարի վերջում, հետևապես և եթե համաձայն եք խորհրդի որոշման, որ Ձեր առաջարկն է և կամ իմ առաջարկության, չտապեցեք, խնդրեմ, ուղարկելու ձեր հոգվածը և ապա 50 կամ 100 ռուբլի:

Շատ շնորհակալ կլինեինք, եթե որ հաճեիք եպիսկոպոսական ձեռնադրության նկարագրությունը ուղարկել մինչև դեկտեմբերի 1-ը, այլապես անկարող կլինեինք տպագրել այս 20-րդ գրքում, որովհետև սա անշուշտ լույս է տեսնելու դեկտեմբերի կեսին:

Ընդունեցեք, խնդրեմ, խորին հարգանքիս կատարյալ հավաստիքը:

Ձեզ խ. հարգանք Ն. Լալայան

(Անթվակիր)

Հայկական ՍՍՌ Մատենադարան,

Գ. Հովսեփյանի արխիվ, թղթ. 96, վավ. 10:

* * *

Գ. Հովսեփյանին տրված ստացականը

Բարձրապատիվ Հայր Գարեգին վարդապետ Հովսեփյանից ստացա մի հազար ռուբլի (1000 ռ.), ազգագրական բանահյուսական նյութեր ժողովելու նպատակով:

Ն. Լալայան

1915 թ. 30 դեկտ. էջմիածին

Հայկական ՍՍՌ Մատենադարան, արխիվային բաժին,

Կաթ. դիվան, թղթ. 238, վավ. 158:

Երվանդ Լալայանի նամակը էջմիածնի միաբանության անդամ,
հայագետ Գալուստ Տեր-Մկրտչյանին.

Ազգադրական
Հրատարակչական
ընկերություն
հմրագրություն Ազգազր. Հանդեսի
23 նոյեմբ. 1901 ամի
թ.
Թիֆլիս

Վաղեմի բարեկամ պ. Գալուստ

Մի խնդրով անհանգստացնելու եմ Ձեզ, հուսամ թե կկատարեք: Հայր
Ալիշանի գրվածներին քաջ ծանոթ Ձեզ միայն համարելով, խնդրում ենք բա-
րեհաճեք մի քննադատական, մասամբ և կենսագրական հոդված գրել նրա
գուտ տեղագրական-պատմական-ազգադրական երկերի մասին: Ուզում ենք
Հանդեսիս 7-րդ դիրքը նրա հիշատակին նվիրել և պատկերի հետ տալ նաև այդ
քննադատությունը: Իբր վարձատրություն խմբագրական մասնաժողովս որո-
շել է տալ թերթին 48 (քառասուն և ութ) ուրլի, կամ յուրաքանչյուր երեսի
համար մի ուրլի հիսուն կոպեկ: Եվ որովհետև Հանդեսը լույս է տեսնելու
դեկտեմբերի 20—25-ին, ուստի հոդվածը պիտի ստանանք մինչև դեկտ. 15-ը:

Շատ և շատ խնդրում եմ, որ չմերժեք ինչպես իմ, այնպես և մասնա-
ժողովիս խնդիրը, այլպպես մեզ շատ ծանր դրության մեջ դրած կլինեք, որով-
հետև, կրկնում եմ, միայն Ձեզ ենք համարում ձեռնահաս շատ շուտով այդպի-
սի մի քննադատություն գրելու, որովհետև արդեն վաղուց ուսումնասիրած եք
Ալիշանի երկերը:

Հայտնելով Ձեզ խորին հարգանքիս կատարյալ հավաստիքը՝

Մնամ Ձեզ խ. հարգ. Ե. Լալայան

Հ. Բ. Հույս ունեմ, որ երկտողով կմիամաացնեք մեզ, ներեցեք, որ սաս-
տիկ շտապելով՝ կանոնավոր չեղավ նամակս:

Նույն:

Հայկական ՍՍՌ Մատենադարան, արխիվային բաժին,
Գալուստ Տեր-Մկրտչյանի արխիվ, թղթ. 24, վավ. 39:

* * *

Մեծաբղո բարեկամ

Խնդրում եմ բարեհաճեք շտապել և ուղարկել ինձ «Ս. Սարգիսի մասին»
Ձեր գրած հոդվածը՝ Հանդեսի մեջ դետեկելու: Մեծահույս եմ, որ պիտի կա-
տարեք խնդիրս, ուստի և նախապես հայտնում եմ Ձեզ իմ խորին շնորհակա-
լությանս հետ՝ անձնվիրությանս հավաստիքը:

Ձեզ խ. հարգ. Ե. Լալայան

27 սեպտ., 1902 թ.

Հայկական ՍՍՌ Մատենադարան,
Գալուստ Տեր-Մկրտչյանի արխիվ, թղթ. 24, վավ. 40:

Երկրորդ Լալայանի նամակը Էմիլիանի միաբանության անդամ,
լեզվաբան Մեսրոպ Մաքսուդյանին:

Հայր սուրբ

Խնդրում եմ հաճիր մի գրախոսական գրել Էմիլիանի Ազգայնական ժո-
ղովածուի նոր լույս տեսած Թ. (IX) գրքի՝ Աճառյանի «Հայերեն պատմական
բառարանի» մասին, և որքան կարելի է շուտ, մինչև հունվար:

Ընդունեցե՛ք խնդրում, խորին հարգանքիս կատարյալ հավաստիքը:

Ձեզ խ. հարզ. և. Լալայան

13 թ. 14 ղեկա.

Թիֆլիս

Ք. Տ. Պալմանը նույնն է՝ Հանդեսի երեսը 1 ո. 50 կ.

Հայկական ՍՍՏ Մատենադարան, արխիվային բաժին,
Մաքսուդյանի արխիվ, թղթ. 25, վավ. 463:

* * *

Բարձրապատիվ Հայր Մեսրոպ

Խոստացար Էմիլիանից ուղարկել Ձեր հոդվածը, մինչև այժմ չկա, հա-
տուկ խնդրում եմ, որ հաճիր անմիջապես ուղարկել, Ձեր հոդվածի պատճա-
ռով Հանդեսը ուշանում է, ամեն օր սպասում ենք:

Խորին հարգանք

և. Լալայան

1914 թ. 23 հուն.

Թիֆլիս

Հայկական ՍՍՏ Մատենադարան, արխիվային բաժին,
Մաքսուդյանի արխիվ, թղթ. 25, վավ. 469:

* * *

Արժանապատիվ Հայր

Պատահամբ լսեցի, որ Դուք բնօրինակում եք Ազգայնականի ձեռագրերի
միջից Ազգայնականի կաթողիկոսության պատմությունը և մտադիր եք հրա-
տարակել. պարտք եմ համարում հայտնել, որ այդ ձեռագիրը ամբողջովին ևս
1910 թվին լրագործական է եղել և այժմ տպվում է «Կարնո պատմություն» մի այլ
ձեռագրի հետ, հետևապես և իդուր պիտի աշխատեք, մանավանդ որ այդ մա-
սին ևս արդեն հայտնել եմ իմ կազմած ձեռագրաց ցուցակի հառաջաբանում:
Նույնպես այդ ձեռագրերի մանրանկարները իմ պատվերով հատուկ ինձ հա-
մար արդեն արտանկարել և հանձնել է ինձ պր. Խառամազյանը: Շուտով ևս
գալու եմ Էմիլիանին, կտեսնվինք:

Խ. հարզ. և. Լալայան

1915 թ. 1/9

Ազգայնական.

Հայկական ՍՍՏ Մատենադարան, արխիվային բաժին,
Մաքսուդյանի արխիվ, թղթ. 25, վավ. 487:

Նրվանդ Լալայանի նամակը ազգագրագետ.

Մատենադարանի նախկին դիրեկտոր Սենեֆերիմ Տեր-Հակոբյանին

Հայոց

Ազգագրական

ընկերություն

17 փետրվ. 1916 թ.

Թիֆլիս

Սիրելի Սենեֆերիմ

Ստացա բացիկդ և նրանից մի քանի օր հետո՝ նրանից առաջ գրած նամակդ.—վաղուց ուզում էի Ձեզ նամակ դրել, սակայն չէր հաջողվում. սկզբում ևս տկարացա, մոտ երկու շաբաթ պառկեցի, հետո ևս լավացա, տիկինը հիվանդացավ, և մինչև հիմա էլ պառկած է անկողնում. փետրվարի 1-ից ևս չնայելով որ սաստիկ թույլ եմ և զգուշանում եմ դուրս գնալուց, այնուամենայնիվ սկսեցի աշխատել, երեք հոգի ամսականով են աշխատում, երկուսն էլ թերթի հաշվով. այստեղ Թիֆլիսումն էլ բավականաչափ գաղթականներ կան և գործը լավ է գնում, միայն արդեն այնքան հավաքել ենք, որ նոր բան շատ քիչ է պատահում, ուստի և՛ թեև շատ ենք պատմել տալիս, բայց քիչ ենք գրում:

Ձեր յակոնական բացիկից ոչինչ չհասկացա, ինչի՞ էիք պնացել Աշտարակ, կամ ինչու էք գալու Աղեքսանդրապոլ, իրեր առնելու՞, թե հեթաթներ գրելու: Ցանկալի էր, որ մի տեղեկություն տայիք, թե ի՞նչ արին Ձեր հանձնաժողովի անդամները, ի՞նչ շինեց պ. Սուրենյանը, այդտե՞ղ է, ե՞րբ պիտի վերադառնա: Ցանկալի էր իմանալ և Ձեր մտադրությունը, գնալու՞ էք Մոսկվա թե չեք գնալու՞ մեր հանդիպուկաց տիկնոջ սենյակը վարձե՞մ Ձեզ համար. ի՞նչ խելք է մնալ էջմիածնում, երբ ճեմարանը բացվելու չէ:

Ես մտադիր եմ մարտի սկզբին գնալ, իհարկե խմբովս, կամ նոր-Բայազետ և կամ Գանձակի գավառ, միայն վախենում եմ տարածված հիվանդություններից. մեր տված մի զոհը չափազանց տխուր ազդեցություն է թողել, ուստի և՛ դժվարանում ենք նորից գյուղեր գնալ: Շատ կխնդրեի, որ գրեիք անմիջապես, թե Սմբատ Տեր Ավետիսյանի Վանից ուղարկած 1118 ձեռագրերները հասա՞ն էջմիածին, երբ ստացվեն, պետք է դամ համեմատում իմ կազմած ցուցակի հետ:

Մաքսուդյանի հետ մեր բանակոծիվ կարդացի՞ք, երևի նորից կսկսենք, երբ նրա կրթող գրախոսությունը Արարատում լույս տեսնի, խեղճ Բաբկենը խոստացել էր չտպել...²:

Հա՛, քանի որ այդքան շատ շորեր եք հավաքել, էլ ինչի՞՞ Տ. Մարտիրոսյանին նկղացնենք, թե նրա տված գումարով գնված շորերը չեք ուղարկելու, մի կերպ հարթեցեք և այս:

Ի վերջո, եթե չեք գնալու Մոսկվա, եկեք Թիֆլիս, իհարկե մեզ մոտ, ի՞նչ եք մնացել այդտեղ:

Շատ բարև տիկնոջից և ինձնից:

Ձեր և. Լալայան

Հայկական ՍՍԻ Մատենադարան, արխիվային բաժին.
Ս. Տեր-Հակոբյանի արխիվ, թղթ. 76, վավ. 17:

² Բազմակետերը տեքստինն են:

ՄԼԾ. Պ. ՍԵՆՏԵՐԻՄ ՏԵՐ Հակոբյանին

Հայոց
Ազգադրական ընկերություն՝
14 մարտի 1916 թվ
Թիֆլիս

ՄԼԾարզո Պարոն

Պատիվ ունինք հայտնելու Ձեզ, ՄԼԾարզո Պարոն, որ Հայոց Ազգադրական ընկերության հմբադրական Մասնաժողովս, ի նկատ առնելով, որ դուք Ձեր գիտական պատրաստությամբ կարող եք նպաստել ընկերությանս գիտական գործունեության, ընտրեց Ձեզ ընկերությանս աշխատակից անդամ:

Նախագահ հմբադր. Մասնաժողովի՝ Ե. Լալայան
Անհամ-քարտուղար՝ Լ. Մելիքսեբ-Բեկ

Ծանոթ. -- Ընկերության կանոնադրությամբ աշխատակից անդամներին ընտրում է հմբադրական Մասնաժողովը (պ. 9) այն անձերից, որոնք իրենց գիտական պատրաստությամբ կարող են նպաստել ընկերության գիտական գործունեության (պ. 6), նրանք պարտավոր չեն վճարելու անդամավճար (պ. 11). միայն նրանք հրավիրվում են հմբադրական Մասնաժողովի կազմած մասնագիտական դրույցներին և դասախոսություններին, ինչպես նաև այն հոգվածների ընթերցման, որ տպագրվելու են ընկերության օրգանում:

Հայկական ՍՍՌ Մատենադարան, արխիվային բաժին,
Սենտերիմ Տեր-Հակոբյանի արխիվ, թղթ. 76, վավ. 19:

* * *

Սիրելի ՍԵՆՏԵՐԻՄ

Ինչո՞ւ մինչև այժմ չպատասխանեցիր Թորամանյանի և Դարեգին եպիսկոպոսի ներդրումների մասին, խնդրում եմ շուտով պատասխանել:

Ես Հանսերին նկարել եմ տալու 10 նկար՝ ցանկանալով լրացնել հայ տարազների ժողովածուն, խնդրում եմ հայտնես, թե քո կարծիքով էլի ինչ տարազներ պետք է նկարել տալ, գուցե թանգարանիդ տարազների մեջ կան այնպիսիք, որ արժեն նկարել:

Բարևս հարգ. Տիկնոջը.

Ք. Ն. Լալայան

Խնդրում եմ վերադարձնես «Հայ-Տարազը»:

12/1—27 թ.
Երևան

Հայկական ՍՍՌ Մատենադարան,
Կաթ. դիվան, թղթ. 239, վավ. 241:

* * *

Սիրելի ՍԵՆՏԵՐԻՄ

Մոտ 3 շաբաթ առաջ Ձեզ մի նամակ եմ գրել և խնդրել ուղարկել ինձ «Записки археологического общества» (коммисии) № 16 գիրքը, որտեղ կա Մոսկվայի զեկուցումը իր այն պեղումների մասին, որ գտնվում են Ձեր թանգարանում. գրած էի նաև, որ ԼԹԵ Մատենադարանումդ չկա այդ հրատարա-

կույտներ, Գարեգին Լուսինյանն ունի: Այդ նամակին պատասխան չստացա: Դա շատ հարկավոր էր, որովհետև իմ պեղումների մասին աշխատությունս ներկայացրել եմ Մելիքյան կառավարի հանձնաժողովին՝ տպագրության: Ի դեպ, Հակոբյանը ինձ ասաց, որ Ձեզ նամակ է գրել՝ վերցնել իրենից այդ աշխատությունը և գրավոր գեկուցում տալ. ստանալով թերթին ծ ու վարձատրություն, երեկ մոտն էի, ասաց թե չնայելով, որ մի ամբողջ ամիս է անցել, դեռ չեք վերցրել, իսկ ես սաստիկ շտապում եմ, որովհետև վարձատրությունը ավանսով ստանալու եմ և գնալու բժշկվելու: Խնդրում եմ այլևս մի՛ հապաղիր, ե՛կ, վերցրու և տուր գեկուցումդ, որ ինչ անելու եմ անեն:

Եթե ուրիշ տեղեկություններ ունեք Մանի պեղումների մասին և կամ ոչ թե 16 գրքում, այլ մի ուրիշ գրքումն է այդ հրատարակությունը, խնդրում եմ նայես և ուղարկես:

Հարգանքիս կատարյալ հավաստիքը և բարենները հարգելի տիկնոջը:

Ձեր Լ. Լալայան

1929 թ. 25/3

Երևան

Հայկական ՍՍՏՄ Մատենադարան, արխիվային բաժին,
Սենեքերիմ Տեր-Հակոբյանի արխիվ, թղթ. 76, վավ. 54:

А. А. Адамян

НЕОПУБЛИКОВАННЫЕ ПИСЬМА ЕРВАНДА ЛАЛАЯНА

Р е з ю м е

В архивных фондах Института древних рукописей им. Маштоца (Матенадаран) при Совете Министров Армянской ССР хранится переписка Ерванда Лалаяна с некоторыми видными арменоведами, имевшая место в период с 1886 по 1927 гг.

Из опубликованных писем становится ясным, с какими трудностями приходилось встречаться Е. Лалаяну при осуществлении издания армянского этнографического журнала. Е. Лалаян постоянно заботился о сплочении вокруг указанного журнала крупных арменоведов, которые своими статьями и исследованиями способствовали развитию армянской фольклористики, этнографии, историографии, языкознания и т. д. Об этом свидетельствуют его письма Г. Овсепяну, К. Срапяну, Г. Тер-Мкртчяну, С. Тер-Акопяну и другим.

Некоторые письма содержат интересные сведения о кипучей исследовательской деятельности Лалаяна в области этнографии, а также ряд ценных биографических данных.